

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

Art. II. An, & à quo, & quibus modis, lex humana abrogari possit?

[urn:nbn:de:hbz:466:1-78232](https://nbn-resolving.de/urn:nbn:de:hbz:466:1-78232)

posse tali dispensatione uti, tutâ conscientiâ ; quia summus Pontifex non accepit à Christo potestatem dispensandi injure divino , aut naturali sine rationabili causa, ut recte observant Cajetanus in Summa verbo, *Dispensatio*, Sylvester verbo *Votum* 4. quæst. 3. & Sotius de justitia & jure quæst. 7. art. 3. ad 3.

14. Colligitur secundò , Summum Pontificem posse valide dispensare ex plenitudine sua potestatem in quibuscumque legibus ac statutis Conciliorum generalium , & aliorum Summorum Pontificum, etiam sine legitima causa. Quia omnes ista leges sunt juris humani , supra quod Summus Pontifex habet supremam & plenam potestatem, quâ & illud potest in totum aboleare per abrogationem, ac tollere per dispensationem; licet quidem & validè cum causa; illicite vero, sed validè, si nulla causa justa talis dispensationis existat. Unde Bernardus lib. 3. de considerat. ad Eugenium Papam, cap. 4. *Sic faciendo* (inquit) *probatis vos habere plenitudinem potestatis, sed iustitiae forte non ita. Hoc facitis, quia potestis; sed utrum & debeatis, quæstio est. Honorum ac dignitatum gradus conservare positis, non invide.*

15. Colligitur tertio, dispensatum à superiori in ejus lege sine causa, non peccare utendo tali dispensatione , sed ea posse uti tutâ conscientiâ. Nullus enim peccat utendo jure suo : At sic dispensatus utitur jure suo , utendo indulgentiâ dispensationis sibi concessæ : Ergo non peccat in hujus dispensationis usu.

Nec valet quod ait Martinonus in tractatu de legibus disp. 32. fœt. 3. num. 27. quod licet ulti-
stenali dispensatione non peccet contra legem humanam , quæ definit ipsum obligare, peccat tamen contra jus naturale, quia turpis est pars, quæ toti non consentit. Non valet, inquam, quia licet turpis sit pars , quæ à toto sine causa discordat, non tamen quæ discordat à toto cum causa : At ille qui uitetur tali dispensatione, non discordat à toto sine causa, nam ad non servandum legem illam , in qua est dispensatus, habet causam & titulum legitimum, scilicet beneficium dispensationis : Ergo nec contra legem humanam, nec contra jus naturale peccat.

16. Colligitur quartò , inferiorem Prælatum vi sua potestatis ordinariæ , non posse dispensare in lege Prælati superioris. Nam dispensare est tollere vim legis ex parte, & respectu personæ, quæ dispensatur : Sed tollere vim legis est duntaxat illius, qui legem condidit, vel qui æ qualiter cum eo gaudet potestate ; non vero illius, qui potestatem inferiorem habet : Ergo Prælatus inferior non potest vi sua potestatis ordinariæ dispensare in lege superioris.

17. Sunt tamen aliqui casus, in quibus Prælatus inferior potest vi sua potestatis ordinariæ in lege Prælati superioris dispensare. Primus est, quando levius est materia , ita ut transgressio legis sit tantum veniale ; sicut enim veniale peccatum nulli est reservatum, sed quilibet Sacerdos ab eo potest absolvere; sic etiam ab obligatione legis potest inferior Prælatus ratione levitatis materiae dispensare. Addo quod nec ratione, nec recte & sua vi gubernationi consonum est, ut semper pro levibus ad superiorem recuratur, tametsi ad illum facilis sit recursus.
- Secundò potest dispensare inferior Prælatus in his, quæ frequenter occurrere solent, cuiusmodi sunt dispensatio in jejunio, in festis celebran-

A dis, & similibus; nam & grave esset Principi, & nimis difficultis redderetur gubernatio , & satis limitata esset autoritas gubernantis , si in hujusmodi præceptis dispensandis semper recurrentur esset ad ipsum Principem.

Tertiò potest dispensare inferior Prælatus in his, quæ ita propria sunt unius communictatis, ut nullo modo convenienter aliis. Ea enim, quæ sunt propria unius communictatis, sunt magis nota & perspecta immediato gubernatori, quam supremo Principi, aut Prælato , ac proinde melius ipsis, quam superior de iis judicare poterit.

Quarto, potest dispensare inferior Prælatus, cùm in casu extraordinario urget necessitas dispensandi, atque periculum in mora , & valde difficultis est ad superiorē recursus. Sic posset Episcopus dispensare in impedimento matrimonij, alioquin dispensabili, si cum defectu occulto palam in facie Ecclesie , saltem cum alterius conjugis bona fide, fuerit celebratum; ipsa vero separatio fieri non posset , nisi cum maximo incommodo. Secùs autem, si nonendum esset in facie Ecclesie celebratum, ad Summum enim Pontificem tunc recurrentur esset.

Denim potest Prælatus inferior dispensare, cùm dubium est, utrum casus dispensatione egeat, vel non, tunc enim præsumptio est pro liberate, quæ possidet; unde fit, ut casus, nisi certus sit, reservatus communiter non censeatur.

ARTICULUS II.

An, & à quo . & quibus modis lex humana abrogari posuit?

C Onstat ex dictis articulo præcedenti, abrogationem à dispensatione differre; abrogatio enim est tortius legis ablatio, dispensatio vero est solùm quadam legis restrictio & limitatio circa aliquam personam , aut aliquos effectus , manente illius obligatione circa alios.

Constat etiam differre abrogationem ab irri-
tatione, derogatione, correctione, & cessatione
legis. Irritare legem est impetrare, ne illa obli-
gandi robur obtineat. Abrogare est, postquam
vix obligandi lex obtinuit, illam in universum
tollere. Derogare est, illam non in totum, sed
in partem tollere. Corrigere legem, est illam
moderari addendo, vel demendo aliquid. De-
nunt lex cessare dicitur , quando vel finitur
tempus, pro quo illa ad obligandum posita fuit,
vel cessat causa propter quam lata fuerat. His
præmissis,

E Dico primò, leges humanas mutari & abro-
gari posse; abrogari tamen aut mutari non debere , nisi ex tali abrogatione vel mutatione
major aliqua utilitas speretur. Ita D. Thomas
hic ait. 1. & 2.

Probatur prima pars ratione, quam art 1. in-
finita; nam leges humanæ considerari possunt
vel ex parte rationis humanæ, à quo procedunt,
vel ex parte hominum, quorum actus lege diri-
guntur: Sed ex utroque capite mutabiles sunt;
Ergo leges humanæ mutari , & abrogari pos-
sunt. Minor quantum ad primam partem evi-
dens est, cùm enim ratio humana finita & limi-
tata sit, & ab imperfectione ad perfectum procedat,
non potest legislator statim à principio prævi-
dere omnia, quæ ad utilitatem reipublicæ ma-
gis

gis conducere possunt, unde posteri beneficio A temporis potuerunt aliqua excogitare ad rei publicæ utilitatem conducentia, quæ non ex cogitabant Majores. Ergo ex parte rationis humanae, qua est legum constitutiva, leges humanæ mutabiles sunt. Quod verò etiam ex parte morum, & temporum mutatione obnoxiae sunt, etiam constat, & sèpè enim aliqua lex uno tempore expedit, qua alio, variatis hominum moribus, expedire non judicatur. Ita Deus alijs legibus & preceptis usus est hominibus regendis, ante, ac post Christi adventum; alijsque legibus utitur in præsenti, ac usus est in futura vita, variata hominum conditione, ac statu vivendi. Aliud exemplum afferat sanctus Thomas ex Augustino libro 1, de libero arbitrio capite 6, ubi sic ait: *Si populus bene moderatus (vel ut alij legunt, benè moratus) sit, communisque utilitatis diligentissimus custos, in quoq; unusquisque minor rem privatam, quam publicam pendas, nonne rectè lex infertur, qua tali populo licet creare sibi magistratus, per quos res publica admistret?* Porro si paulatim depravatus idem populus rem privatam publicæ rei preferat, atque habeat venale suffragium, corruptusque ab eis, qui honores amant, regimen in se flagitiosis conseceratique committat, nonne item rectè, si quis tunc exenteri vir bonus, qui plurimum posset, adimis hunc populo potest, dandi honores, & in paucorum bonorum, vel etiam unius redigat arbitrium?

21. Probarunt etiam secunda pars conclusionis ratione, quam inhiuauit Divus Thomas articulo 2. Plus detrimenti timendum est, quam utilitas sperandum in legum mutatione propter periculum contemptus legum ex una parte, & majoris facilitatis servandi antiquas, quibus diuturna observatione assuevimus: Ergo nisi haec compensent certa spe majoris utilitatis, quæ ex hujusmodi mutatione legum speretur, non licebit eas mutare. Unde Ulpianus Digesto veteri libro 1. tit. 4. de Constitutionibus Principum lege 2. *In rebus novis constituendi evidens debet esse utilitas, ut recedatur ab eo jure, quod diu & quum risum est.*

22. Advertendum tamez, quod licet legislator peccet abrogando leges absque ulla causa & utilitate, abrogatio tamen sic facta valida est, nec tenentur amplius subditæ legem sic abrogatam servare; quia lex essentialiter constituitur voluntate & imperio Principis, unde eo ob quamcunque tandem rationem sublato, cessat lex, subindeque obligatio ejus; nam ubi lex non est, nec legis obligatio esse potest.

23. Dico secundò, quivis legislator potest legem, quam condidit, abrogare; superior etiam potest legem inferioris abrogare, non tamen inferior legem superioris.

Prima pars patet, cum enim, ut suprà dicebamus, lex essentialiter constituitur voluntate & imperio legislatoris, ab eo dependet in esse & conservari, subindeque eo sublato cessat lex.

Secunda etiam evidens est, quia superior habet plenam potestatem supra inferiorem, & consequenter supra omnes leges ab eo conditas.

Tertia verò, quæ asserit inferiorem non posse legem superioris abrogare, habetur in Clementina, Ne Romani Pontificis, in qua à Clemente V. definitur, legem superioris non posse per infe-

riorem abrogari, corrigi, aut mutari, cum inferior nullum jus, aut potestatem habeat in superiorum, ejusque constitutiones ac leges. Unde Episcopi & Cardinales leges Pontificias abrogare nequeunt, multòque minus possunt Laici legibus & canonibus Ecclesiasticis derogare. Similiter Magistratus civiles, & communites, aut Principes alteri superiori subiecti temporaliter, non possunt legibus ejus civilibus, & juri communii totius ejus imperij derogare, aut contrarium aliquid in proprio territorio statuere, ut male docent nonnulli Juristi, perperam in hunc sensum allegantes legem *Omnis populi, ff. de justitia & jure, ubi so- lum dicitur, civitates Imperatori subiectas habere potestatem condendi leges proprias, & suis moribus accommodatas.* Quod intelligendum est de legibus non contrariis legibus imperialibus, quæ scilicet, quamvis aliquid novum & diversum itacuant, non tamen repugnans & contrarium.

Dico tertio, tribus modis lex antea accepta abrogari potest: primo, per expressam revocationem Principis; secundò, per constitutionem novæ legis priori repugnantis; tertio per contrariam consuetudinem.

Conclusio patet quoad omnes partes. Advertendum tamen est, quod si abrogatio fiat per contrariam legem, debet illa lex promulgari, ut habeat vim completam abrogandi alteram; quia sine promulgatione non habet vim & rationem perfectam legis. Si verò lex simpliciter & pure revocetur absque novâ legis constitutione, definit quidem lex in re ipsa esse, hoc ipso, quod legislator interius eam apud se revocat, nullo adhuc dato signo externo revocationis, manet tamen adhuc ejus obligatio in subditis ob ignorantiam talis revocationis. Quare ut prudenter & utiliter legis revocatio fiat, debet subditis intimari, & quidem publicè, ad vitanda scandalum, & morum dissimilitudinem, aliqui qui propter noritiam privatam revocationis legem non servarent alijs adhuc servantibus, & servari debere creditibus ob ignorantiam revocationis illius, quod maximam in republica deformitatem, dissimilitudinem, ac turbationem induceret.

Quæres, quinam sint casus, in quibus cessat obligatio legis humanæ?

Respondeo obligationem legis humanæ cessat, primo, si ejus obligatio reddatur nociva. Secundò, si ejus observatio fiat incompossibilis cum lege naturali, vel divina. Tertiò, si ratione subiecti, vel alicuius circumstantia patricularis ex fiat moraliter impossibilis. Demùm quando cessat tota & integra ratio, propter quam lex fuit lata, eo ipso cessat legis obligatio, ut docent Cajetanus, Navarrus, Henriquez, & alij, quamvis Suarez lib. 6. de legibus cap. 9. oppositum doceat; licet enim fateatur, quod quando leges præcipiunt actus de se indiferentes, ut ferre, aut non ferre arma, exportare, aut non exportare triticum, & similia, celiens, deficiente fine ad æquato, ad quem leges illæ ordinantur; contendit tamen, quod quando lex præcipit actum de se bonum, non cellular, deficiente fine extrinsecum, quem legislator intendit, quia, inquit, bonitas intrinsecum, quâ pollet, est finis proximus & intrinsecus legis.

Opposita tamen sententia videtur probabilior, quia

- quia nimis lex non obligat, nisi juxta voluntatem legislatoris, a quo fertur; neque continuat obligationem, nisi perseverante moraliter eadem voluntate: At qui cessante tota & integrâ ratione propter quam legem tulerit, non perseverat moraliter voluntas obligandi: Ergo cessante tota illâ ratione, lex non amplius obligat. Major patet, Minor probatur, quia legislator non habuit voluntatem obligandi, nisi dependenterab illa ratione, & propter illam; sive aetus aliquin habeat intrinsecam bonitatem, sive non: At cessante ratione motivâ, vel causa finali propter quam aliquid volumus, definitio illud velle, cum impossibile sit stare actum voluntatis sublato ejus objecto formaliter: Ergo cessante tota & integrâ ratione propter quam legislator legem tulerit, & voluit eam obligare, cessat quoque voluntas obligandi.
27. Confirmatur: Si lex praecipiat jejunium semel in hebdomada ad Deum placandum propter aliquam necessitatem publicam, cessante publicâ necessitate cessat obligatio jejunij, quamvis citra illam necessitatem jejunium sit actus virtutis habens bonitatem & honestatem intrinsecam temperantia: Ergo quamvis lex praecipiat actum intrinseco bonum, si tamen cessat causa ad aquata legis, seu tota ratio motiva propter quam fuit lata, cessat ejus obligatio.
28. Dixi cessante causa adequatâ, quia si lex lata fuit ob plures causas, cessante unâ, modo non cessent aliae propter quas lata est, non cessat obligatio legis. Sicut quia lex baptismi lata est non solum ad tollendum originale, sed etiam ad consignandum hominem Christianâ Religioni, eumque à ceteris sectis distinguendum, & reddendum idoneum & capacem ad reliqua Sacraenta suscipienda; tamen prima causa cessaret, & peccatum originale per sanctificationem in utero matris est sublatum, nihilominus adhuc lex baptismi propter alias causas, propter quas lata est, obligaret.

DISPUTATIO XI.

De lege Divina veteri.

Ad questionem 98. D. Thome usque ad 105.

HAc tenus de lege humana sive differimus, nunc agendum nobis est de lege Divina positiva, cuius necessitatem demonstrat S. Thomas supra quest. 91. art. 4. ubi quatuor assignat rationes, cur lex Divina ultra naturalem & humanam necessaria fuerit.

Primo, inquit, quia per legem dirigitur homo ad actus proprios in ordine ad ultimum finem. Et siquidem homo ordinaretur tantum ad finem qui non excederet proportionem naturalis facultatis hominis, non oportet quod homo haberet aliquid directivum ex parte rationis supra legem naturalem, & supra legem humanitatis positam, que ab ea derivatur. Sed quia homo ordinatur ad finem beatitudinis aeternae, quæ excedit proportionem naturalis facultatis humanæ; ideo necessarium fuit, ut supra legem naturalem & humanam dirigatur etiam ad suum finem, legem divinitutis, datam. Secundo, quia propter incertitudinem humani judicij, praecepit de rebus contingentibus & particularibus, contingit de actibus

A humanis diversorum esse diversa iudicia, ex quibus etiam diversa & contraria leges procedunt. Ut ergo homo absque omni dubitatione scire possit, quid ei sit agendum, & quid virandum, necessarium fuit, ut in actibus propriis dirigatur per legem divinitutis datum, de qua constat quod non potest errare. Tertiò, quia de his potest homo legem facere, de quibus potest judicare: iudicium autem hominis esse non potest de interioribus motibus, qui latent, sed solum de exterioribus actibus, qui apparent, & tamen ad perfectionem virtutis requiritur, ut in utrisque actibus homo rectus existat; & ideo lex humana non potuit cohibere & ordinare sufficienteriores actus, sed necessarium fuit quod ad hoc supervenire lex Divina. Quartò quia lex humana non potest omnia, quæ male sunt, punire, vel prohibere, quia dum auferre vellit omnia mala, sequeretur quod etiam multa bona tolerentur, & impeditur utilitas boni communis, quod est necessarium ad conversationem humana: ut ergo nullum malum improbitum & impunitum remaneat, necessarium fuit supervenire legem divinam, per quam omnia peccata prohibentur.

Licet vero lex divina variè dividiri possit, communis tamen eius divisio est in veterem, quæ à tempore Moysis usque ad Christi passionem & mortem inter Israhilites viguit; & novam, quæ à Christo data & instituta usque ad consummationem saeculi perseverabit. De utraque sigillatim & breviter differendum, & primò de lege veteri, quæ legis novæ & Evangelicæ typus & figura fuit. Unde sit.

ARTICULUS I.

Vtrum lex vetus, bona, utilis, ac perfecta fuerit?

S. I.

Prima pars questi resolvitur.

Augustinus cap. 1. & 46. libri de heresisibus referat Manichæos & Marcionistas, cum duo summa principia invexissent, unum bonorum, alterum vero malorum, credidisse legem veterem malam esse, & à malo principio conditam; novam vero à bono profectam, subinde que optimam ac perfectam. Ut hic error refellatur, & veritas Catholica stabiliatur:

Dico primò, legem veterem fuisse bonam, & sanctam.

Probatur, quia Deus fuit legis illius Author, ut ostendemus articulo sequenti: Ergo non potest esse nisi bona & sancta, sicut ipse bonus & sanctus est. Unde Apostolus ad Roman. 7. Lex quidem sancta, & mandatum sanctum, & iustum, & bonum. Ubi mandatum legis Mosaica dicitur sanctum propter præcepta ceremonialia; iustum propter judicialia; bonum propter moralia, ut notat D. Thomas h[ic] qu. 99. art. 4. Conclusio magis patebit solutione objectionum, & explicatione locorum Scripturarum, quibus legem illam malam fuisse insinuaris videtur.

Obicitur ergo primò: Ezechielis 20. dicitur: Dedi eis præcepta non bona, & iudicia in quibus non vivent: Sed lex non dicitur bona, nisi propter